

皇明詩話

程氏叢書



皇明詩話卷之二

詩史程作舟輯

皇考仁祖陳太后夢一神人朱衣象簡餽藥如丸光  
采燁燁吞之遂有娠及誕異香靖室紅光燭天經宿  
不散仁祖出汲河水沐浴忽有紅紗浮來遂取衣之  
故所居名紅羅巷

上生在于臨縣靈跡鄉之土地廟是夜廟有火光煜  
然明日廟移東路至今其地不生草後封其廟爲菴  
土地

太祖卽位之年江西臨川縣獻瑞木一本木中隱有文曰天下平質白而文玄若水理隨書而成太祖登極惡勝國頑民竄入緇流乃聚數十人埋於泥中露其頂以斧削之名爲鏝頭會

太祖嘗漁於川一日獲三十五鯉寘之一笱箬有陳四者來共語及歸視之已失其伍知爲陳竊怒毆之及卽位問劉誠意吾享年幾何劉曰以數言當三十五其間有五歲假上忽憶竊魚事以其數符也立召陳至官之後洪武紀果符其數

太祖率三萬騎戰於番湖敵人咸見空中數萬甲兵來助戰幟上大書蕭王二字遂大敗之或云蕭王卽漢鬱侯

帝嘗于上元夜微行京師有画一婦人於門赤脚懷

西瓜衆譁然馬后淮西人蓋謂淮西婦人好大脚也  
帝啣之遂於是夜着人以福字私帖衆門明日召軍  
士大戮其無福者江南至今除夜猶以福字帖門云  
太祖於後湖築一臺以藏天下兵冊避火災也築屢  
潰乃命以曩所誅髑髏爲基其臺立就

太祖以士民所服四帶巾未善因楊維禎言命製四  
方平定巾式頒行天下令士人服之以別皂隸優伶  
之類有司初進樣方直其頂上以手按其後視之宛  
如民字形遂爲定制

帝敗友諒於番湖死者數萬及還擲纜樓于湖窻窺  
憑之遂聚爲妖舟人不祭多覆溺之患號曰樓三舍  
人

洪武二十五年下度僧之令沙彌至者三千人中  
有冒請者帝怒命悉誅之尹山寺僧永隆請焚身以救

免帝允之永隆取香一瓣書風調雨順四字語中侍  
日煩語陛下遇旱以此香禱之必雨乃秉炬以自焚  
異香逼人帝乃宥三千人誅後大旱以此香祈之果  
大雨帝曰此真永隆雨也帝嘗幸大臣居曰大官人  
必須大宅第卽命刑部尙書開濟瀋爲之制甚宏麗  
今有司以此爲式名曰樣房

南京國子監內號房皆無門限帝嘗謂秀才須出用  
不宜限隔故去之

帝在位挾娼飲宿雖有律而聚寶門外建官妓館六

樓以安遠人一日來賓一日重譯一日輕烟一日淡

粉一日梅妍一日柳翠

帝微行至神樂觀見一道士于窗下結網巾問曰此  
何物對曰此網巾也用以裹之頭上則萬髮皆齊矣  
明日朝罷詔取神樂觀網巾十三頂頒示布政司人  
無貴賤皆裹之定爲一朝之制

太學初成上幸觀之見蜘蛛布網屋隅上曰我纔建  
屋爾輒據之耶呵之出而蛛遂去至今太學堂中無  
蛛絲

太學成上坐廣業堂曰有福孩兒坐此堂後生徒出  
廣業者率多清華顯貴視他號特甚相傳為上言之  
識

洪武中刑尚部書開濟言錢穀之數用一二字奸吏  
得以盜改請以壹貳參肆伍陸柒捌玖拾等易之  
太祖嘗與友諒鏖戰劉基在御舟勿躍起大呼以雙  
手揮之曰難星過上驚起急更之未半响舊舟已為  
敵砲擊碎矣

周顛者舉止詭譎每見上必曰告太平上厭之命覆  
以甕積薪煨之火息起視顛正坐宴然上欲征友諒  
顛曰好上曰彼已稱帝取之亦難顛仰視久之曰上  
面無他的從行至皖城無風顛曰只管行只管有風  
無膽不行便無風行數里果大風倏忽達小孤一如  
其言

內侍冠乃朝鮮國王冠制洪武間討朝鮮不下適使  
至今內侍環冠之使臣逡巡畏却銳氣乃挂不久降  
今因不改洪武乙丑上御端門召翰林詞臣出示巨  
桃半核蓋元庫所藏物也長五寸廣四寸七分前刻

西王母賜漢武桃及宣和殿十字上謂宋濂曰爾曷  
撰詞以垂後戒濂因進蟠桃核賦

太祖定鼎金陵上行視謂劉基曰城高如此誰能踰  
之基笑曰除非燕子飛入耳蓋指燕王而言亦隱語  
也

洪武初長樂縣學西有古柳一株忽榕子寄生其上  
歲久榕皮包柳諸生以爲登第之兆居三年陳廷試  
爲榜眼又三年馬鐸廷試爲狀元訓導陳慈名其年  
爲瑞榕

明太祖在滁常濯手於相子潭有五蛇擾而就之因  
祝曰天命在予汝其永附焉一日戰畢蛇忽蜿蜒其  
側帝乃掩以兜鍪頃復報戰亟戴兜鍪而往遂大勝  
乃歸祭甲冑置兜鍪于前甫奠霹靂大震白龍天矯  
自兜鍪出騰空而去汝南府伯憇祠內有棠樹枝葉  
無存僅一老榦高三丈餘堅密如鐵相傳歷代帝王  
龍興則發新枝明太祖起兵之年新發一枝于頂上  
蜀錦城之南有海棕焉榦猶龍鱗枝猶鳳尾高百丈  
餘相傳自李唐來閱于稔矣國朝徙其株於金陵莖

宇明詩話 卷之二  
枝披萎畧無生意勅還蜀植之仍秀翠如故後城南  
者榦古顛仆中使吳從政斲爲琴以進異香清發今  
秘內帑

洪武乙卯南畿御錢忽飛出側立於民間瓦屋上人  
家多以竹篾穿其孔多得一二十文又一日廣積庫  
銀每錠重數百斤亦穿庫飛出不知所在有一書生  
夜行見田中起光掘土尺餘見白金一錠大不能舉  
歸召十八人力舉之上有廣積字遂以上聞上曰此  
銀已失三塊是塊天賜儒生者也卽命賜之

洪武二十四年取土築城得鐵佛五石函函內藏髮  
又有石爐鐫文曰髮塔

劉文成先生有藏金瘞于各處或山石上暗標誌號  
以遺其子孫後人亦往往掘得之

太祖嘗夜出遊陷湖麻中遇羣童向之而拜稱迎聖  
駕叱之不見

上微時嘗夢滿天燕雀紛飛中有五色鳥舒翅而舞上  
升其背乘之以行有青幡前導至西北方見一高臺  
臺上人立狀若天尊召上登臺授以絳衣上服之忽



然冠履具備霞光繞身復授以長劍其鞞如生龍蜿蜒驚視而覺後登極語魏國公

上微行暮至朝天宮前一婦人衣衰麻而大笑問曰汝被服而笑何也曰吾夫死忠吾子死孝好夫好子未有如吾者所以喜而笑也上問曰汝夫已葬乎婦以手指之曰去此數十步卽是言訖忽不見上識其處明日命布司視之掘地數尺有誌石乃晉卞壺墓也命掩之仍爲立廟以祀之

上登極後聞有年月日時與聖同造者召至京曰汝何爲者曰村氓也曰家富乎曰貧無一畝之產曰然則何以爲生曰臣惟養蜂十三窠每年割所釀蜜貨之以自贍耳上笑曰朕爲帝有十三省汝爲百姓有十三窠蜂大小不同其所統轄則一也誰謂命不足信乎乃賜以酒食而遣之

太祖祀歷代帝王廟纔舉爵見元始祖像淚出太祖笑曰我得中原之所固有汝失漠北之所本無復何憾其淚尋止

塑像之設自佛入中國時已有矣惟太祖灼見千古

之非自夫子以下不用土繪祀以神主

帝召函工周玄素令函天下江山圖于壁周對曰臣跡未遍九州乞陛下草建規模臣潤色之帝卽操筆成之玄素進曰陛下山河已定豈可動搖帝大悅建文卽位眷念舊學屢問董倫召拜禮部侍郎御書怡老堂三字并髹几鳩杖以賜之

程濟建文時爲岳州教諭上書言某月某日西北兵起宜蚤爲備坐妄言繫至京將殺之濟大呼曰陛下且囚臣臣期無兵臣死未晚遂下獄已而兵果起赦

濟爲翰林編修克軍師護諸將北行徐州之捷諸將立碑叙戰功及統軍者姓名濟一夜在祭碑人莫測其故後文皇過見碑大怒命左右以鐵椎碎碑甫擊遽曰止止爲我錄碑文與姓名來按碑族誅而濟名正當擊處得免及淮上諸將敗召濟還問計曰天數已定惟可出走耳立召僧爲建文落髮濟從亡每過險處濟卽以術脫去後建文老歸終于太內濟竟不知所之

建文初生時頂顛頗偏太祖視之不悅嘗撫而名之

日半邊月兒

靖難兵將起京師有道士歌于途曰莫逐燕莫逐燕  
逐燕日高飛高飛上帝畿已而忽不見

雪庵和尚名暨在重慶府寺中好讀楚詞時時買一  
冊袖之登小舟鼓棹中流朗誦一葉輒投一葉于水  
投已輒哭哭已又讀葉盡乃返衆莫知之里中隱士  
杜景賢雅重之或云和尚乃建文時御史云

景清本姓耿建文時署北平叅議成祖嘗宴之尋召  
還及成祖卽位志圖復興乃自請上上厚遇之一曰

太史奏客星犯帝座甚急色甚紅明次早清果袞衣  
獨趨入朝候上出殿門直前犯駕上驚令執之搜得  
衣袞中藏劍乃剝其皮實以草繫長安門是夕上憂  
清伏劍追逼晨遇清繫所忽屍索自斷前行二步若  
張拳冒帝者三乃夷其九族

上初取孔顏孟三氏子孫至京從陪祀顧鼎臣上言  
孔子之道惟曾參獨得其傳二千年以來未有表章  
之者上乃命訪曾氏子孫與孔顏孟三氏一體陪祀  
故至今稱爲四配

皇明詩話 卷之二  
永樂二年曾棨狀元及第周述周孟簡次之皆江西人述與孟簡兄弟也文皇御批棨策云貫通經史識達天人有講習之學有忠愛之誠擢魁天下昭我文明尙資啟沃惟良顯哉批述云環偉之才克實之學朕用汝嘉擢居第二勿自滿假惟時懋哉批孟曰云辭足以達意學足以明理兄弟齊名古今罕比擢汝第三勉其未至同俾二蘓之美於世欽哉又述在孟簡之先上曰弟不可以先兄乃置述於後此二宋故事也

永樂中甲辰上臨軒策士以孫曰恭爲第一邢寬爲第二旣曰孫暴不如邢寬遂擢寬第一朱書其名於榜首時爲盛典

永樂中交趾貢使飲量絕世上令舉善飲者款之狀元曾棨自請在上問曰卿量幾何對曰款此二使足矣不必盡臣量於是飲徹日夜二使皆醉而去翌日謝恩上悅曰不論鄉文學只此酒量豈不作我明狀元耶

文皇徵善書者試而官之最喜雲間二沈學士尤重

度書一切大制作必命度書之每稱曰我朝王羲之  
帝初與姚少師廣孝共謀舉事語未幾簷瓦飄墜地  
而碎帝以爲不祥少師曰天意欲陛下易黃瓦耳帝  
謀乃定

成祖在白溝河大戰陣亡軍士積骸徧野命收其頭  
骨規成念珠分賜內宮念佛其頭顱深大者以盛淨  
水供佛名天靈椀

北京營建命取材川蜀凡榱楠杉檜之屬皆出三峽  
嘗得大木於馬湖一夕自行若干步不假人力事聞

詔封其山爲神木山

帝嘗遣人往天竺迎僧來京兆號大寶法王居靈谷  
寺頗著靈異教人念唵嘛呢叭彌吽于是信者爭念  
之

永樂三年放榜後帝選二十八人入文淵閣緝學以  
比二十八宿號庶吉士吉士之名始此

團扇可以遮面故謂之便面觀前人題咏及圖画中  
皆團也永樂中朝鮮國進松扇收則摺疊用則撒開  
上喜其卷舒之便命工如式爲之遂傳爲定制

帝北征至威虜鎮召侍讀王英曰聞李陵城右石碑  
可往覘之明日回奏上曰碑之上鐫有  
名異曰  
必以此地爲已物命擊碎之

道衍嘗遊嵩山佛寺遇相士袁珙相之曰寧馨胖和  
尙乃爾耶目三角影白形如病虎性必嗜殺他日劉  
秉忠之流也道衍嘿然自負燕王聞珙名召至燕使  
人與飲于酒肆王易服雜衛士中亦入肆珙一見卽  
趨拜王前占其爲他日太平天子王大喜館珙於道  
衍僧舍世傳二語云辨宰相於嵩山佛寺識真主於

長安酒家蓋謂此也

青城山有牡丹樹高十丈花甲一週始作花永樂中  
適當花蜀獻王遣使視之取花以歸

蔡錫中永樂癸卯鄉試以學行選入兵科給事中陞  
知泉州府時洛陽橋圯發故石有刻文云石頭腐爛  
乃蔡公再來捐俸修築潮勢騰湧難于施工乃爲文  
檄海神募資此批者一醉卒應命自投於海若有神  
接者得批以還上有一醋字錫妄意曰得非八月二  
十一耶刻期興工潮不至者旬日橋工遂成更名爲

萬安橋後以爲蔡端明事誤矣

永樂間閩人葉宜知衛輝府適有蝗災宜禱諸城隍忽羣鳥飛食殆盡而鳥死宜令盡收死鳥封葬之爲文以祭號曰鳥塚

金沙江過此非中原矣武侯設碑路旁有異日皇帝過此之句後永樂征緬至此應其讖及師旋雷已碎碑

永樂中山東民婦唐賽兒于山麓得一石匣中藏寶劍妖書唐究習遂能通曉施其教於村里衣食財貨

以術運之立至聚徒數百遂謀反官軍屢戰不勝既而捕得之臨刑又不能入下獄枷鎖自開竟遁去永樂中吳城有一老父偶治耳于中得五穀金銀凡一箕後更治之無所得視其中潔淨惟正中有小木椅製甚精妙椅上坐一人長數分奕奕有精氣其後亦無他異

楊文貞在內閣時夫人已早世惟一婢侍巾櫛一日宮中有喜慶大臣命婦朝賀聞公無命婦令左右召其婢至貌既不揚衣履儉陋命妃嬪重爲梳整易內

製首飾衣服并命所司如制封之其眷遇之隆如此  
祖制翰林惟一甲三人即除授其餘進士選爲庶吉  
士教養數年而後除有不堪者復授他職時謂一甲  
三名爲天生仙餘爲半路修行仙

彭淵才嘗言平生無恨惟有五事不甘耳人問之曰  
第一恨鱗魚多骨第二恨金橘太酸第三恨蓴菜甘  
冷第四恨海棠無香第五恨曾子固不能五言詩聞  
者笑之

帝性敏日記萬言詞翰並精在清宮時每得試錄輒  
指摘瑕病以示百官往往審當嘗語之曰使我應舉  
豈不作狀元天子耶

帝好促織之戲遣取江南其價騰貴至十數金時有  
楓橋一糧長覓得一最良以所乘駿馬易之妻妾以  
爲駿馬易蟲必有異竊視之竟躍去妻懼自經死糧  
長歸傷其婦且畏法亦經死

宣德癸丑溫州守何文淵于明倫堂集諸生講書忽  
羣蜂擁一巨蜂集楹間聲聞如雷顧謂諸生周旋曰  
蜂有巨儒之象來科狀元子必當之後周果及第第



一也

波羅密樹實從樹莖出有刺殼裏之核大如棗一殼數百枚仁如粟實食甚甘出波斯拂林諸國明初始產于臨高邑宣德年間克貢

宣德中金吾衛指揮同知傅廣自宮請効用內庭上曰此人已三品矣更欲何爲而勇于自殘以希進用下法司問之

正統十年進士登科錄凡天字皆作莧字

正統九年甲子科四川鄉試頭場止五篇時謂之減

場

帝北狩虜欲害之每夜見帝處火光燭天又大雪帝所居處獨無雪衆以爲真命天子遂寢此意

正統時有一老嫗護英廟故建黃姑寺于平子門外令嗣香火中皆女道士其教尼而蓄髮寺有高樓可遠眺多貯少艾淫肆無別不道亦壞風教

正統己巳打磨廠王勝井中有五色氣起日至己位卽無明日復然本家不敢汲水二十餘日乃滅未几有土木之變

戊辰廷試前一日上憂儒釋道三教來見及傳臚狀  
元彭時乃儒士榜眼陳鑑嘗爲神樂觀道童探花岳  
正嘗爲慶壽寺書記相傳爲奇夢

嚴州太守夜見吏舍有光踪跡之非火也翌日問羣  
吏家有何事吏對曰商仲宣生一子太守曰此子必  
貴是日適有以宋馮京三元記餽之者後商輅果中  
三元人相

彭時中狀元當上表謝恩之夕坐以待旦至四鼓隱  
几而寤竟失朝糾儀御史奏令錦衣衛率已奉旨宗

伯胡濙出班奏云狀元彭時不到當着錦衣衛尋上  
見之

景隆一日禁中閣画見龍有翼而飛者遣使問三楊  
俱不能對上顧史館問曰有知之者否陳繼時在下  
列出對曰龍有翅而飛者曰應龍問所出曰見爾雅  
取視之乃大嘉焉

李東陽四歲能作大書景皇帝召見抱置膝上賜上  
林珍果六歲八歲復兩召試講尚書稱吉人以爲神  
童

景泰甲戌科會試當廷試日上偶至其處問其姓名對曰孫賢上因口誦但願子孫賢之句諸臣疑上注意于賢遂舉狀元

是科一甲一名孫賢面黑二名徐溥面白三名徐轄向黃時稱爲鐵狀元銀榜眼金探花

景泰三年寧德縣旱甚邑人禱雨於西山龍湫疏文未善投之少刻別浮半紙乃元至正間禱雨文也其詞曰某等俯陳愚悃仰瀆龍顏乞鑒凡心願舒聖眼言念生居在世治本於農蒙天地覆載之恩感雨露

滋濡之德春耕夏耨敢辭徒足之勤秋穫冬藏實切資身之望不期茲歲忽值恒暘爰從九夏之初逮及三秋之始已經六旬不雨忍見千里揚塵石燕停飛商羊絕舞致泉源之旣竭慨旱魃之爲凶知作孽自我愚民故降災實由上帝爰深修省時致禱祈虔取某日恭詣龍湫恪求聖水願施甘雨頓回天心伏願龍顏大悅賜涓滴于金甌龜圻全消沛滂沱于隴畝庸賡實粟之詠預占大有之祥垂祐我民迓續乃命衆驚誦之果有大雨如注

朱文公墓面江有沙亘其間先生自擇此地曰此沙開時吾子孫當有入朝者景泰間朝廷以其功在後世訪其子孫得其九世孫禔入朝授五經博士且世其官命未下之日其沙忽被水衝開適中先生之言徐武功禮張秋治水久未就功問於王尙書來王曰分家勢尋水源武功於是先開數渠以引水而水源終不易得乃投一物使人候之曰水流則不受物至一處物乃不浮曰此真水源也百計塞之不效聞一僧有道往問之僧但曰聖人無欲武功思之不得數

日忽悟曰此下殆有龍窟耶龍所欲者珠也吾當去之於是鑄成長鐵柱同釜底貫而下焉水始受塞不踰時遂成平陸蓋鐵能蝕珠龍愛珠故去耳

天順改元薛瑄入閣一日上方小帽短衣聞先生奏事爲更長衣世擬不冠不見之汲黯

天順庚辰年上御南薰殿召王翔李賢等入侍命內侍三人鼓琴年皆十五六上曰琴音和平足以養性情曩在南宮自撫一二曲今不暇矣所傳曲調得於太監李永昌永昌經事先帝最精于琴三人皆不及也

王翔等對曰顧陛下歌南風之詞以解民愠上大悅  
文淵閣芍藥三本中澹紅左純白右深紅天順二年  
盛開八花李賢設宴邀呂原劉定之等八學士共賞  
時賢有玉帶之賜諸學士各賜大紅幟衣因名純白  
者曰玉帶白深紅者曰宮錦紅淡紅者曰醉仙顏惟黃  
諫以足疾未赴明日復開一花衆謂諫足以當之賢  
賦詩閣院屬和一時稱盛武功伯徐有貞被謫金商  
路過一寺有僧設果食以迎武功訝而問焉僧曰吾  
寺有一石羊有異人至則鳴宋時一鳴有蘓相至昨  
夕一鳴而公至故知爲異人

順天案北生員例無六等以輦轂之下有進而無退  
者

春秋出傳題不知何時始天順年間浙江摘一十六  
股配題顛緒茫然至刻程文簡畧殊甚名雖搭題實  
則射覆經生家甚苦之一老生施臣道專撰新題如  
舊爲宰咍則易宰周公之類至有通場不記備數而  
止者

天順中大倉州武孟有詩名嘗爲武岡州幕官因鑿

池得一瓦枕枕之聞其中鳴鼓起插一更至五更鼓  
聲次第不差孟以爲鬼物碎之其中設機局以應夜  
氣名孔明雞鳴枕

成化十九年山西代府失一宮人半月復歸問向何  
往云爲神揖去一日正午見雲中有神人數十或乘  
馬或乘獸從東西至代府坐殿上一神云舉火正殿  
遂焚合府無遺惟所揖女一房獨存不知何異

成化時太監阿丑善詼諧頗有方朔譎諫之風時汪  
直用事勢傾中外丑作醉人醢酒一人伴曰駕至其

醢如奴又曰汪太監來矣醉者遂貼然自是汪直寵  
漸衰直既去黨人王鉞陳鉞用事丑作直持雙斧趨  
鎗而行荅曰吾將兵惟仗此兩鉞耳一人問曰何名

荅曰王鉞陳鉞也時發一笑後二人以次坐譎保國  
公朱永掌十二營役兵治私第丑作儒生誦詩曰楚  
歌吹散六千兵一人伴曰八千兵荅曰汝不知二千  
在保國公家蓋房耶上密遣人密察之乃撒工

憲宗永年言官噤不敢言朝事孫御醫者素善譎人  
問生疥何以療之曰請六科給事中餽之人問故曰

不語唾可治疥也

憲宗過北平圓通寺見金剛面黑上笑曰似火裏金剛一夕火起金剛毀焉

陝西太白山間有龍池歲旱有司祈禱必乞水於此意有不誠水自飛上樹結成冰塊成化中西安同知張侃往乞之水面浮出古銅盆弁觀音經雨足仍納于池

獻皇初之國舟泊龍江關鵲鳥萬數集于江柳向舟鳴噪或云此亦中興之兆叅議王喬齡奏聞其事神

異付錄史館

成化中有漁人得一龍卵于黃河邊大可容二升一商以布數疋易之送於官置延慶觀中時周斌知開封府命擊破之中包碧水餘無所有占曰江湖見龍卵正大冰

成化元年五月京師大風一時蕭牆以西地上有聲如雨電視之皆黃泥丸子堅淨如櫻桃大拾而剖之中有硫黃氣

成化間上患古澀諸司奏事准行之苦荅是字鴻臚

鄉施純彥請易照例二字上苔甚便尋擢尚書時號  
兩字尚書俗傳龍生九子不成龍各有所好弘治中  
孝廟御書小帖以問內閣李文正公具疏以對據圭  
峯羅玘蘆泉劉績之言一日蟲屬形似龜好負重今  
石碑下龜趺是也二曰螭吻形似獸性好望今屋上  
獸頭是也三曰蒲牢形似龍而小性好叫吼今鐘上  
紐是也四曰狴犴形似虎有威力故立于獄門五曰  
饕餮好飲食故立于鼎蓋六曰夔夔性好水故立于  
橋柱七曰睚眦性好殺故立于刀環八曰金猊形似  
獅性好烟火故立于香爐九曰椒圖形似螺蚌性好  
闕故立于門

指揮使楊敬奏西安府鄠縣軍人毛志學狀弘治十  
年六月二十日在趙掄村沉河水邊澡浴得一玉  
璽非辨篆文係是受命于天既壽永昌八字篆文明  
朗刻劃奇古都御史熊翀驗此卽歷代傳國璽也  
化州之州治左有石微露出地謂之龍首後有石潛  
江中謂之龍尾古謂之石龍縣弘治間石龍鳴三日  
夜州同知楊景生子一清後爲大平宰相



弘治庚戌南昌府城隍廟庭中忽生一石初出地四五寸日長一日及長至三四尺偶一人語曰此處想生出山矣遂不復長

弘治十一年京師西直門有熊入城郎中何孟春曰熊之爲兆宜慎火未几城內在處火災禮部乾清宮亦焚按宋永嘉至城下高世則言熊于字爲能火厥後果然

弘治間登州山中有蜘蛛與龍鬪龍爲蛛絲所困後有火龍至焚其絲遂取其腹內珠出蛛死身徑一丈餘尺

正德丁丑武廟閱文獻通考天文星名有注張問欽天監不知是何星內使下問翰林苑同館皆愕然楊公愼曰注張柳星也周禮以注鳴者註注味也鳥喙也音况南方朱鳥七宿柳爲鳥之喙也史記律書西至於注張漢書天文志柳爲鳥喙因取史記漢書二條示內使以復同館笑曰子言誠辯且博矣不干私習天文之禁乎

正德好佛自稱大慶法王外庭聞之無徵以諫俄內

批禮部番僧請腴田千畝爲大慶法王下院乃書大慶法王與聖旨並傳尙書珪佯不知執奏孰爲大慶法王敢與至尊並書褻天子壞祖法大不敬上弗問田亦竟止

固安縣偶大水崩岸斷橋旁出一碑碑題十字曰橋崩天子過碑出狀元來其年武宗南幸過其邑次年辛巳邑人楊維聰狀元及第

正德時臧賢得寵中外官僚爭以奇貨賄之每有所許輒報以名香號曰雪中春信

正德十三年冬駕揚州河水方合帝問何時當解江彬對曰立春尚有旬餘日帝曰春迎之卽至矣卽命迎春于郡之東郊明日百花盛開河水大解衆皆稱異

帝幸宣府大起宮殿號曰家裏嘗御邊妓劉娘娘劉恃寵畧不以上爲意每有所忤輒稱疾不起上爲之失措

十二年丁丑會試房師李公極賞淞江呂大綸以爲奇才薦于壬子內閣靳貴貴曰此人口氣似不久于

皇明詩話 卷之十一  
人世姑填榜上以俟後驗及揭曉呂果捐館矣因請  
下上給匾曰奇才天珍一時稱爲曠典

十一年丙子江西地方見天上有紅雲黑雲各列陣  
若相鬪者久之分爲兩城人馬洶洶若攻城狀明年  
宸濠反

正德時江彬劉泰劉暉錢寧皆賜國姓爲義男號爲  
外四家

帝微行如瓜州避雨民家時以鄉果青橘進帝曰此  
橘可名爲雨果又至清江浦白隈小舟漁于積水池

舟覆帝溺焉左右掖起帝曰不意水中有帝因自號  
爲水帝

正德時妖人李五以幻術至延安府謂彌勒佛出世  
當土天下某人當爲文武將帥某女當爲后妃置水  
一盆令其自照果見各樣衣服人皆信之立簿記名  
其舉大事未幾爲官兵所敗五遁走

正德癸酉侍郎儲瓘卒其子灝扶柩歸塗甃攢于墓  
舍及期遷葬棺上皆成繪画前則奇石古松右左梅  
株天矯後有文隱隱未就州大夫聞往觀之削而究

之深入木理命拂楮模其大都至今藏之家廟  
正德時有龍墜于陝西之乾州長數十丈目光如火  
閃爍可畏四足據地而行五里許得井水飛去旣而  
其村多疫死

方士獻房術于寧王宸濠用一石卵佩衣帶問香  
氣氤結經月不散嬪御苦之潛取投於沼中拷問竟  
無覓處方士言取海鶴來跡之可得俄一鶴瞥至迴  
翔注視忽沉沼脚石而去宸濠驚悵尋究所以方士  
曰此石海鶴精也海鶴常孤飛雲表照見其影以爲  
已雌驟下追逐頡頏之間不覺精墜凝化爲石佩者  
御女無不如意非術致海鶴不可復得

正德十一年二月辛卯江西寧都縣通天村有合抱  
枯樹僵仆已久忽風雨大作隱隱有聲頓起如故或  
云世宗由藩封入繼大統之兆也

正德間鎮江北固山下有羣蜂擁王出遊遇鷲鳥攫  
殺之羣蜂環守不去數日俱死相公楊一清令家僮  
瘞焉表其上曰義蜂

正德間有張姓者獲一雁置於庭中明年有雁自天

鳴庭雁和之未几天雁飛下彼此以頭絞死於樓下  
因名其樓爲雙雁樓

武廟在園中釣魚作詩令遠庵楊一清同作楊請題  
入室搆上笑曰我考秀才正欲面試詩成後改一字  
南國釣魚得一大蝦蟆上乃大笑

武廟南巡巡撫伍符設宴上以飲大觥潦倒匍匐知  
事王藻奏曰符老不勝罰臣藻請代上問曰汝小官  
能勝幾許對曰不敵天子遠過撫臣賜三大觥着扶  
巡撫去

郡有瓊花觀上旨取瓊花來看蔣瑤以帖紙立書此  
花生於某年爲瑞應至徽欽北轅此花已絕今止存  
其名耳上默然

駕過泗州知州汪應軫催舟速行傾刻百里至南京  
中使矯旨令泗州進美人善歌舞者數十人軫奏泗  
州婦女荒陋且近多逃亾臣向慕桑婦二十餘人倘  
蒙納宮中俾授蚕事實於王化有補傳諭且停止  
丁亥立春上迎春于宣府備諸戲劇飭大車數十輛  
令僧與妓女共載妓女各執圓毬車馳交擊僧頭或

相觸而墮上視之大笑

武廟在應天時幸詞人張霖第自操舟漁於其池被溺焉至今名其池爲浴龍池

正德七年二月山東秦始皇廟鐘鼓自鳴樹燔而枝葉無恙廟燬而神象如故

正德八年都指揮李隆範銅爲檜及檜妻王氏万候高反接跪墓前嘉靖中兵使者范涑增張俊像撫臣王汝訓置張俊王氏兩象于湖移秦万二象跪祠前後又鑄張王二象同跪焉倪鴻寶有云武穆之廟泥

塑岳王金鑄檜高人欲不朽檜高甚于欲不朽岳王也可謂名言

正德中平谷縣耕民得一釜以涼沃之卽自沸炊飯自熟釜下有諸葛行鍋四字或疑其中有寶碎之其釜覆層中有水火二字

正德十四年上自稱威武大將軍鎮國公朱壽巡南直隸等處修換舒芬等約同疏諫有旨舒芬等午門跪五日各杖有差是日京師大陰霾海子水溢折橋下鐵柱車駕乃止

正德十三年秦藩上疏請陝之邊境益其封壤上許之兵部及科道交章執奏上震怒令內侍督促梁儲草制儲草曰昔太祖皇帝著令藩封不當益以地地廣不利宗社今朕念親親畀地于王王得地宜益謹度母收聚奸人母多養士馬母聽狂人誘爲不執危及社稷此時雖念親親不可得矣王其慎之上覽制驚曰若是其可虞乎而其事遂寢

正德中錦衣廖鵬以驕橫得罪有旨封其宅限五日逐去其妾有四面觀音者請見朱寧而解之寧一見

喜甚留之五日鵬治事如初且語鵬曰何不贈我鵬曰捐以待父則不獲效杯酒之歡不若爲父外館朱寧自此益愛之

嘉靖時朝鮮國奏狀元呂柟主事馬理爲中國人材第一乞頒賜其所爲文使本國傳誦爲式一時皆翫稱之

無錫顧可學官兩司考察罷歸乃從方士煉秋石入京獻之云可却病延年上方事長生久視之術服之頗驗數年間超遷至禮部尙書每行長安道上人競

稱爲嘗尿管

嘉靖十二年昌化縣徧山竹皆成稊而實春碎若米而色紫黑炊之可食爲餅餌絕佳古人以爲荒年之兆而昌化是年大豐

嘉靖甲辰七月沙縣路旁有巨石忽暴雨昏黑數十丈約二時及雨晴雷止石上刻有五十七字皆如籀篆文人皆莫辨

劉太保忠肅墓在邢臺縣治西南嘉靖年間爲盜所發內有石刻云盜者李淮事聞於府捕得之

嘉靖三十九年台州大雷雨東門外湖邊大樹忽然拔起倒一宿復自起有司親往視之因斫其木爲神像立廟祀之

嘉靖初禁中有貓曰霜眉毛美而虬青色惟雙眉榮然純白善伺上意凡有呼召或行幸皆先意前導後死勅葬萬壽山陰碑曰蛇龍塚

嘉靖初年漁人於茗溪中網得一石圓大如鵝子內鏗然有聲擊碎之有銅牌一方上刻宣聖二字

江陰廣福寺復建於嘉靖年中寺成將募鐘一日黃



田開口江面上有二鐘浮來鐘上各棲一鸚鵡連呼  
曰觀音寺裏鐘遠近駭聽卽取其一送寺中其一仍  
浮去寺今名觀音寺

蕭縣相傳不撞鐘撞之則大水至嘉靖間縣尹朱同  
芳不聽撞之水果大至漂沒田廬

嘉靖中察院羅相上言越州多虎乞行下措置多方  
捕殺正言張次賢上言人盤嶺乃禁中來龍乞禁行  
人時太學諸生遂有羅擒虎張尋龍之對

世廟時宮中嘗見鬼多手多目以問張真人張不能

對或以王元美博識往詢之元美曰何必博識大學  
云十日所視十手所指是說甚麼蓋刺嚴相也

張尚書子敷聞壁魚蠹食神仙字身有五色是名脉  
望吞之則仙遂多寫神仙碎剪入瓶中捉壁魚投之  
與其蠹食不得卒成心疾

李丹授昌府倅乞改鄂州彭淵材聞之吐飯謁曰昌  
佳郡也李驚何以知其佳淵材曰海棠無香昌州海  
棠獨香非佳郡乎

陳公鎬善酒時督學山東父慮其廢事寓書戒之乃

命工製一大盃可容二觔鑄八字於內云父命戒酒  
只飲三杯士林傳笑

嘉靖庚戌年間黃瑩家火爐內熾炭忽生蓮花五朶  
朶六瓣中紅外白枝長六七寸曹旭家烹茶爐內亦  
生蓮花七朶

學士張元楨人物矮小而聲音朗徹後爲日講官上  
命設低几就而聽之

隆慶二年正詔停止乙真人封號奪其印止以裔孫  
張國祥爲上清觀提點

隆慶間講學盛行有楚人顏山農謂貪財好色皆從  
性生天機所發不可闕之但勿留滯胸中而止何心  
隱師之又謂天地一殺機也堯不能殺舜舜不能殺  
禹故讓天下湯武能殺桀紂故得天下後顏謫戍歸  
而何竟爲江陵所殺按江陵未相時訪耿御史坐席  
未煖而去何從屏後窺之便謂此人能殺我亦異矣  
哉

古林精舍之右有老梅一株傳爲五代時物隆慶時  
忽附夢于僧曰予今往歛之某姓爲女幸母以不華

故而損吾身僧寤而記之是年不花不葉僧神其言  
築垣護之臨終又囑其弟子曰是梅當于某年復花  
花時自有報者及期果有鮑姓元則者云吾母訣時  
云汝若思吾金陵古林庵老梅即我也乃折垣拜之  
是春花果大開因建拜梅庵

神宗極重儒臣賜予極渥嘗親洒宸翰賜編修沈一  
貫龍箋文曰責難陳善

帝爲太子時嘗遇閣臣于御道西謂曰先生良苦劬  
贊輔臣頓首曰願陛下勤學帝笑曰方讀三字經

神宗御文華殿見宣宗所寫玄兔圖以淡墨微圍其  
旁似碧空滿月上有丹桂花子垂垂下有瑞草作紫  
白色兔居其中毳毛纖澤意態安閒真神物也命史  
臣鄧以讚等賦詩各書于冊親用圖記并命趙固圖  
其副勒于石

萬曆三十三年會試前一日有士人憂試題是晉元  
帝恭默思道爲易水生所奪是科題乃司馬牛問仁  
章會元乃湯賓尹蓋晉姓司馬元帝牛金所生恭默  
是詔言易水是湯姓益信科名之事原有定數

皇明詩話 卷之二  
萬曆四十四年會榜放一名沈同和時論紛紛因命  
覆試試果曳白查出係第六名趙鳴陽代筆皆除名  
時謠云丙辰會錄斷么絕六趙素有才名士林惜之  
萬曆三十一年泰山龍鬪先三日黑雲黯黯二物蜿  
蜒馳逐吼聲日夜不絕水憑空來至山如湧山爲崩  
裂大石皆上走須臾水至泰安西關赴河一關皆洗  
漂去廬舍萬餘家撫按有災疏

劉千斤顯者江右人驍勇過人手綸大刀裸而入陣  
人爲披靡體雄健猛每行軍輒以婦女隨敵近欲戰  
須入帳御數女至陣雄威始殺不然性烈手滑不多  
殺敵必自砍其部卒子挺亦以戰功著部卒多徒兒  
常以搏虎爲戲

肇慶有竹一園多痿黃利瑪竇謂有寶以千金市之  
而不盡伐只取二竿規圓作盃二十進其十于當事  
而自取其十注酒其中每盃有竹一竿二白鶴翔其  
上吸訖乃止

上性忍閹侍之屬有小過輒榜至死然有錢則可贖  
有小婢進茶甌墮地遽令拽榜婢急號願賠積有賞

銀一錢跪進之笑受而止

神宗建萬壽寺于郭西一日出一鐘係成祖時國印  
姚廣孝鑄重八萬七千斤徑丈有四長丈五內外刻  
華嚴一部鑄時年月日時皆丁未今出之日爲六月  
十六日亦丁未亦異物也

萬曆三十二年大水衝城郭壞廬舍壓死人命無算  
三十五年閏六月又大水皇城坍四十餘丈九衢成  
河仕宦家浮以澡盆與宅眷聚坐父老皆云此數百  
年未見之災曾記順天撫劉健庵疏云金陰類也金

能生水皇上積金太多金盛則水盈故水爲從又錢  
泉也泉宜使流而淤之不散一旦潰決災應在水也  
真格言也

東直門有一井水衝出榦去地數尺京師人謂之滿  
井人嘗遊觀之

我朝火器無過佛郎機以攻城無不應時摧陷獨遇  
孕婦則反擊蓋爲所厭勝也劉宇之亂不知誰獻此  
計四門出孕婦裸立城頭郎機四發皆反指我車遂  
失利

神宗積財內庫克盈置璫防守尙虞盜竊是歲廣市銅鈴分挂庫內聲响輒令起捕亦瑣屑可笑國初御史不出外巡吏考核專屬按察司故御史之權輕堂官得彈壓之自改按外方遂廢按察舉劾內有論奏亦得直達風采遂赫然矣

神宗初時游覽多乘馬後喜乘小肩輿敝其上輿褥織以小珠帶飄出作龍形日用大珠損亦珠綴其上中嵌以寶謂之珠輿

鄭貴妃寵冠後宮福王其所出也上誕日太子諸王例有賜帶先時宣賜太子貴妃擇中品以進上心領之而佯不解太子至乃解自御者畀之而以妃進者自繫福王至妃更欲他索上曰無庸亦解我者賜之可也妃不懌而回上處事多權智類此

內監楊榮摧稅雲南有誘割小兒之事初以金錢五枚置大門外恣小兒爭取日漸加倍數至五十則置于二門至百則置之堂中至一百八十則城郭小兒聞風而至榮見人數已多令守門者掩捕之逐名網縛強行閹割一時死者百三十人滇民心痛而不敢

言閩璫高案性喜食人始鬻幼童輒懸重價且云內  
監媽媽性愛孩兒衆利之以爲得所一入府中不敢  
復問不知其克庖也其府有庖人操刀供爨者一日  
置至一兒係是其甥庖人以昨所遺進縱其兒從水  
道逸出始傳其事人人恨而不敢言  
內璫日直多以宮娥爲配公據如夫妻不必白之上  
神宗立法必乞恩求配謂之菜戶蓋宮娥侍御亦有  
當直直時則彼承值館不直乃恣其聚處然必衰老  
乃可蓋酌乎人情故累朝不廢

嚴世蕃吐唾皆美婢以口承名曰香唾壺又飾美人  
二十衣緇素各半每對局美人聞聲照骰點趨站其  
處名曰肉雙陸

客燕雜記云積翠亭下有圓殿中有大松偃蓋菁芴  
萬曆年已枯死封以都督之官踰年復生

萬曆丁酉河內縣忽墮一流星入地數尺去外黑皮  
乃銀也重一百六十兩寄開封庫

連城縣有蕭坑山萬曆中令徐大化築北闌鑿石于  
此山石線中有徐欽徐昌四字連人異之

萬曆己亥年寧國府涇縣雲中見四字踏痕資蜀久之乃沒

萬曆十年秋寧德縣鄉穀連稻草乘風上飛蔽天人望之一陣一隊若牛馬虎豹獅象之類或遇山木高處爲木杪所碍有一二穗挂其上土人援木取視之已腐而化爲蟲矣

萬曆末年宮中偶興掉城之戲于御前十步外畫一方城城內斜正十字分作八城挨寫十兩至三兩止令司禮監掌印掌東廠秉筆及管事牌子遞以銀豆葉八寶投之落於某城卽照數賞之若連落迤城外及壓線者使收其所擲焉至戊午遂有撫順門原之失亦其兆也

萬曆丁亥秀水思賢鄉有異鳥集于樹人頭鳥身頷下有白鬚竟日而去其年水災次年戊子米貴人多饑死

萬曆庚申正月初九夜泰山岱廟配天門東青龍神一尊口內出火烟光相雜郡人駭異之

萬曆辛卯科毛起鳳入試得才難一節題鳳本領生



疎沉思不得惜然若睡恍惚青衣少年呼曰起起吾奉太上真命爲卿代草文字今年汝作解頭誦聲如流鳳起寫畢遂絕聲響榜發果第一學士李溫陵王試極爲稱賞日爲神助

萬曆乙巳年皇城一帶牆下地上有影出城郭人物諸狀有鐵騎數百臨城皆張旗幟儼如函圖影甚分明移時乃滅

烟葉本草不載萬曆年間閩人始食之崇禎年間食者漸多懷宗立禁至殺買烟者以儆之

萬曆二十九年四月唐纘修寓北沙鎮李家四更夢覺滿室光明秋毫可辨其光從牀頭竹升內吐出視之乃夜寢時所置白布裏肚也表裏洞徹達旦而止萬曆間河南採鑛泌陽縣洞內砂忽化爲青白泥如人腦漿礦夫王得貴聞洞中有猪聲吼叫黑白二氣薰蒸而出臭不可當

嚴東樓盛時有人獻二寶石內各有一鴛鴦飛躍上下嚴寶藏笥中一夕失去隣家忽得以鑲女環嚴不問其故治以盜罪

萬曆壬辰年一老人號醒神自云數百歲曾見高皇  
張三丰又歷海外諸國言之鑿鑿陳眉公云聽醒翁  
語是一本活西遊記

萬曆丁酉河南鞏縣有匠人憇樹下聞樹中有鼓樂  
聲以斧擊樹數下其內有人曰好不好不好遂有細人  
長三四寸各執樂器從樹中跳出作樂數疊來觀者  
喧嚷乃仆

蘓紫溪視學浙中有知人之鑑而命題險僻如一  
一二至二三句三聖人四句四孔子場中多有閣筆

而出者

何公早初生時其父憂門前豎一綽髻上寫我未見  
好仁者一章未解所謂但誌其事于壁後早以蓋有  
之節入泮以有能一日節中丙午鄉試以我未見好  
仁者章中癸酉會試一生得力果全在此

蘓郡祝允明唐寅張靈常兩雪中作乞兒唱蓮花落  
得錢沽酒飲野寺中曰此樂惜不令太白見之

李崆峒省試歸遇一舉子自負首舉崆峒與之爭其  
人怒拳崆峒目青臙及榜出崆峒解首拳者第二監

試者見啞峒傷目詰之以實告各滿飲大笑  
沈周名重一時蘓州守某欲覓圖者左右以沈對乃  
出批拘至命立廡下獻技沈乃爲焚琴煮鶴圖以進  
守亦不解明年入覲見守溪王公首問石田先生無  
恙乎守大慚

羅公玘每有撰作必棲踞于喬樹之巔霞思天表一  
日閉坐一室人于隙間窺之見其顏色枯槁類欲死  
者及出乃携都穆之父墓銘嘆曰吾爲此銘瞑去四  
五度矣今所傳圭峯稿語多奇古皆樹巔死去之所

作也

周用齋初仕爲縣令旣升堂端坐不語吏請僉書周  
怒曰狗奴纔得一佳破爲汝攪亂矣

泰昌在位虛懷納諫御史舒榮都獻三字二字在廷  
臣曰虛公一字在皇上曰嚴名三字治安策

天啟時從大學士何宗彥之奏特爲宗室開科著爲  
令

三朝要典以紅丸擬擊移宮三案編輯而成皆于斥  
廢諸臣留一罪案多出於崔呈秀劉志選之意故黃

汝亨等以爲雪憤報怨之書

天啟時王森家深州救一妖狐狐令斷尾藏之以此招人聞異香皆願歸附稱爲聞香教主森死遺貲百萬子王好賢以此募邊塞勇敢之士與山東徐鴻儒謀不軌鴻儒敗嘆曰我與王氏父子經營二十餘年法門弟子已踰二百萬遲數日橫行天下矣好賢聞之逃去

魏忠賢琢州進香夜宿良鄉阮大鍼計害東林跪進點將錄天罡星托塔天王李三才及時雨葉向高天

巧星浪子錢謙益聖手書生文震孟白面郎君鄭鄮  
霹靂火惠世揚鼓上阜在文言大刀楊漣智多星繆  
昌等共三十六人地煞星神機軍師顧大章青面獸  
左光斗金眼彪魏大中旱地葱律游士任等共七十  
二人謂之東林惡黨

崔呈秀進天鑒錄首列東林渠魁葉向高孫承宗韓  
爌劉一燝趙南星楊漣左光斗高攀龍孫居相李邦  
華喬允升王洽曹子汴錢謙益姚希孟李騰芳孫鼎  
相徐良彥文震孟侯恪熊明遇沈惟炳熊奮渭周宗

建王心一顧宗孟姚士慎張振秀顧大章凡二十九  
人次載真心爲國不附東林顧秉謙魏廣微王紹徽  
霍維華徐大化周應秋崔呈秀閻鳴泰邵輔  
忠楊維垣倪文煥阮大鍼卓邁李魯生梁燾環李蕃  
曹欽程吳淳夫孫國楨劉廷元孫杰劉志選李春澤  
黃克纘賈繼春劉廷宣凡二十七人魏忠賢命李朝  
欽收掌凡陞遷皆按名回話

魏廣微又進批點縉紳便覽重者三點次者二點又  
次一點如葉向高以下凡六十餘人其附魏者加圈

其二圈者如黃克纘以下數十人送與魏忠作抵本  
時有作選佛錄一卷也有東林在內是明哲保身之  
人如孫承宗蔡復一董其昌王洽申用懋范景文鄒  
之麟姚士慎楊棟朝方應祥申紹芳魏浣初侯恪姜  
一洪張瑋周詩雅賀烺張振秀白貽清程國祥彭惟  
成等都是不附魏黨者故不敢抄傳

魏忠賢祠建自應天巡撫毛一鷺起祠在虎丘賜名  
晉惠後指揮李之才建于孝陵曰仁溥總漕蘓茂相  
建於鳳陽曰懷德閻鳴泰建於通州曰崇仁又建于

昌平州口彰德王事何宗聖建于長溝曰顯德巡撫  
劉沼建於密雲曰崇功紛紛以得建爲榮  
崇禎帝初封信王後入繼大統魏黨一清人咸呼爲  
焦天子

崇禎九年京師雨雹拾取視之皆黃泥丸子如核桃  
大破之中有火藥氣

初劉誠意留秘記于大內密室相戒非大變不啟帝  
在位十六年邊患孔急帝啟視之室中惟一櫃發之  
得繪圖三軸第一軸圖文武百官手執朝笏披髮亂

走帝問之內臣云恐是官多法亂第二圖兵將倒戈  
棄甲窮民携男帶女奔逃之狀上又問內臣云恐是  
軍民皆叛上色變內臣請止上必欲再展第三軸軸  
中像聖容身穿白背心右足跣披髮中懸上嘿然  
懷宗御便殿忽聞香烟心動因詰問近侍對以官中  
舊方上叱令毀之因嘆曰皇考皇兄皆爲此誤

崇禎時金陵秦生某故檜流裔寓近鄉教授已十餘  
載矣一日入城過武穆廟感而拜之俯首至地雙睛  
忽白墮地若爲人所割者不勝痛楚而返遂以瞽廢

郭青螺著藏論藏字出爾雅泉水一見一否曰藏其  
書以生生論易周平魯隱論大明終始論死生謂言  
幾於道爲見小康三代頑民管蔡疑湯武貸秦晉謂  
言不諧于世爲否至言人君深居簡出獨有嬪御奄  
人可相倚任歷數外戚權臣及父子兄弟相夷滅者  
不一獨不以婦寺亾呂雉武曌老能還國意在婦奄  
寺耳故禮垣王聚洲紆之卒受不避名是亦著書好  
奇之過

崇禎十二年上自書克明峻德四字懸之內殿時正

大清之崇德五年也識者謂克明者崇德也

崇禎時魏監建拱極城其南門額曰永昌北門額曰  
順治後李闖破京師僞稱永昌元年而順治遂爲當  
今年號人以爲前轍

劉青田有廟祠在某邑之街衢丁亥年有大帥督兵  
過此令拆毀之甫拆一牆于中得剃頭刀一張順治  
錢一枚帥大駭乃止

京城陷官民沟沟早有勸進表文云比堯舜而多武  
功邁湯武而無慚德出自周介生手一時傳爲士林

之羞

宋獻策長僅二尺六寸面似猿猴綽號宋孩兒素多  
機智精六壬數李自成屏人問攻奪之事獻策爲懺  
云流人順河于陷在十八灘若要上雲天起自雁門  
關後李闖果據潼關稱王

李闖破都城進承天門彎弓搭箭暗祝道若能一統  
江山此箭當中天字箭發却在旁邊空隙處牛金星  
忙進云本欲代明承天如何反去射天自成乃大笑  
賊將李岩草詔於四月十七登極是日五鼓李闖戴

平天冠穿滾龍袍升祐天殿受百官賀剛上御座忽  
僵臥不能起說道座上金頂雕龍張牙動爪直來吞  
噉又見白衣人身長十丈追擊不已左右扶進後官  
口中只說願天早生聖人

闖賊入宮宮人費氏投井賊鈎出之費給曰我長公  
王也必告汝王賊擁見自成令內官視之非是乃賞  
部校羅賊婦復給曰我實天潢之胤義難苟合將軍  
擇吉成禮生死惟命羅喜置酒極歡費氏懷利刃俟  
賊醉斷其喉因自刎自成大驚



皇明詩話  
卷之二  
帝崩羣臣迎立弘光于南都大內工部估工修造忽  
龍江關湧起梗楠大木數百適資其用人咸以爲天  
授

弘光在位內閣馬士英專權仕路爭以賄賂進初猶  
饋銀後爭以黃金投獻江南金價騰貴相率號爲馬  
蹄金

皇明詩話卷之二終

